



## RESOLUCIÓN

**ASUNTO:** AMPLIACIÓN DO HORARIO DE PECHER DOS ESTABLECEMENTOS ABERTOS AO PÚBLICO, DOS ESPECTÁCULOS PÚBLICOS E DAS ACTIVIDADES RECREATIVAS CON MOTIVO DA CELEBRACIÓN DA FESTA/VERBENA POPULAR DENOMINADA FESTA DE SAN CRISTOVO DE CODESOS NO LG. CODESOS, PARROQUIA DA PEREIRIÑA, DO CONCELLO DE CEE

**EXPEDIENTE DECRETO:** 2022/G003/000740

**ANTECEDENTES:**

EXPTE. Nº **2022/U029/000032**

A Lei 10/2017, do 27 de decembro, de espectáculos públicos e actividades recreativas de Galicia, establece no artigo 4.c) que lle corresponde á consellería competente en materia de espectáculos públicos e actividades recreativas determinar o horario xeral de apertura e peche dos establecementos abertos ao público e de inicio e finalización dos espectáculos públicos e das actividades recreativas. Así mesmo, dispón no artigo 5.f) que lles corresponde aos concellos autorizar as ampliacións ou reducións sobre o horario xeral, atendendo aos criterios, os supostos e as circunstancias que, de ser o caso, figuren na orde de horarios prevista no artigo 17 da Lei.

A Orde da Vicepresidencia primeira Consellería de Presidencia, Xustiza e Turismo do 23 de outubro de 2020, pola que se determina o horario de apertura e peche dos establecementos abertos ao público e de inicio e finalización dos espectáculos públicos e das actividades recreativas, dispón no seu artigo 9.1 que os concellos poderán ampliar para todo o seu termo municipal ou para zonas concretas deste os horarios xerais de peche dos establecementos abertos ao público, así como de finalización dos espectáculos públicos e das actividades recreativas, durante a celebración das festas e verbenas populares, do Entroido, da Semana Santa e do Nadal, facendo compatible, en todo caso, o seu desenvolvemento coa aplicación das normas vixentes en materia de contaminación acústica.

Por Resolución da alcaldía nº 468/2022, de data 26/05/2022, fixouse o número máximo de días naturais durante o presente ano 2022 nos que poderán ampliarse os ditos horarios neste termo municipal, conforme co disposto no artigo 9.2 da devandita Orde. Na citada Resolución indícase que as datas concretas de ampliación dos horarios determinarase mediante resolución da alcaldía, de oficio ou a petición de parte interesada.

No artigo 9.4 da Orde do 23 de outubro de 2020 sinalase que as ampliacións de horario non poderán superar, en ningún caso, en 2 horas os horarios xerais de peche dos establecementos abertos ao público, dos espectáculos públicos e das actividades recreativas.

Visto o escrito presentado o día 01/07/2022 (registro entrada nº 20220000001810) por (...), con NIF 47\*\*\*03\*F, en calidade de comisión de festas organizadora da festa/verbena popular denominada *festa de San Cristovo de Codesos*, que se vai celebrar no Lg. Codesos, da parroquia da Pereiriña, deste termo municipal, os días 10 e 11 de xullo de 2022, no que solicita a ampliación do horario de remate da verbena nocturna do domingo 10 de xullo, ata as 6.30 h do luns 11 de xullo e o remate da verbena nocturna do luns 11 de xullo de 2022, ata as 05.00 h do martes, 12 de xullo.

Considerando a vontade deste Concello en apoiar o sector hosteleiro municipal e a actividade das verbenas como celebracións festivas tradicionais de Galicia así como o interese en favorecer o movemento asociativo municipal, que fai posible a celebración destes eventos, que repercuten positivamente en diferentes eidos municipais, o cal se debe compatibilizar coa aplicación das normas



en materia de contaminación acústica ou outras disposicións legais e, así mesmo, cos dereitos de terceiras persoas e co óptimo funcionamento dos servizos públicos.

No uso das atribucións que me outorga a lexislación do réxime local, **RESOLVO:**

1º. **Autorizar a ampliación en 2 horas** sobre o horario xeral disposto nos artigos 5 e 7 da Orde do 23 de outubro de 2020, da **finalización da festa/verbena popular denominada festa de San Cristovo de Codesos**, que se vai celebrar no Lg. Codesos, da parroquia da Pereiriña, deste termo municipal, **na noite do domingo, 10 de xullo ao luns, 11 de xullo de 2022**, co cal, o horario máximo de finalización da verbena o día sinalado será ás **06.30 horas**.

2º. **Autorizar a ampliación en 1 hora** sobre o horario xeral disposto nos artigos 5 e 7 da Orde do 23 de outubro de 2020, da **finalización da festa/verbena popular denominada festa de San Cristovo de Codesos**, que se vai celebrar no Lg. Codesos, da parroquia da Pereiriña, deste termo municipal, **na noite do luns, 11 de xullo ao martes, 12 de xullo de 2022**, co cal, o horario máximo de finalización da verbena o día sinalado será ás **05.00 horas**.

3º. **Autorizar a ampliación en 2 horas** sobre o horario xeral disposto nos artigos 5 e 7 da Orde do 23 de outubro de 2020, do **peche dos establecementos de restauración (III.2.5) da parroquia da Pereiriña na noite do domingo, 10 de xullo ao luns, 11 de xullo de 2022 e na noite do luns, 11 de xullo ao martes, 12 de xullo de 2022**.

4º. Publicar a presente resolución no Boletín Oficial da Provincia.

Notificarlle a presente resolución aos interesados, con indicación expresa dos recursos a interpor, e darlle conta ao Pleno da Corporación na primeira sesión ordinaria que realice.

En CEE, o 8 de xullo de 2022.

*A alcaldesa*, Margarita Lamela Louzán

*A secretaria*, Rocío Hermida Cancela

[Documento asinado electrónicamente]